

南召縣志序

蕭相國從高帝入關金玉

財賄一無所取獨詣丞相御史

府收律令圖書藏之於是天下

要害民間疾苦朝廟饗祀之儀

戶口錢穀之數如在掌握中厥  
後分郡縣定賦稅起朝儀造律  
令悉於是乎托藍本焉此之謂  
急先務此之謂識治體郡之屬  
邑十三夙號文獻之邦入官府

等掌故方策班班秩如也南召  
何獨不然况雄山莽水沃土奔  
沙鹿鳴鴉路漢帝遺踪鐵嶺銀  
砂將軍戰壘他如烈士爭名貞  
姑全節以及騷人客子之風華

元老宿儒之偉畧分類輯來自  
爾光怪奪目色色爭奇猗歟休  
哉亦南國一大觀也然而斷碣

摧殘漸失本來面目遺文剥落

盡尋當日風流嗟乎誰秉色成

而忍令其沉淪寂寞一至此也  
或曰召邑分合不常捧檄而來  
者幾如過客之宿逆旅舊者無  
可因新者不暇創典冊闕如亦  
時勢使然也雖然天下事不有

創何有因古有可監則監古古  
無可監則又不可自我作古  
以爲後人監昔之人有搜之壁  
間掘之壠中續殘補缺而成書  
者憚於作始徒以簡略罪前人



誰之過歟江右陳君來署召篆  
甫下車百務未遑卽慨然曰文  
獻未備不可以爲治爰採文人  
之筆墨父老之傳述樵牧之歌  
謠更搜前令紀君原著數十冊

編其次第而手訂之分爲四卷  
綱舉目張洪纖畢該於是百里  
疆索在指顧間矣昔沈休文著  
宋書一百卷裴子野刪爲宋略

三  
而言宋史者轉以裴略爲



優重其成也故吾於召志不多  
紀君之草創而多陳君之纂定  
亦重乎其成者而已後之君子  
倘有識治體急先務者收而藏  
之以爲藍本於以潤色鴻猷黼

月  
五  
嚴太平必有可觀者而陳君亦  
於是乎不朽矣是爲序


崑

乾隆拾壹年歲次丙寅孟秋之

月吉旦知南陽府事錢塘任

應烈撰





三  
南召縣志序

事之畧者從畧洎其久畧者  
漸詳因其詳斯詳之後有作  
者踵事而增無難焉易之爲  
書始於羲聖畫文周孔述演  
之而後彖爻十義之義脩惟

史亦然尙書紀言簡而奧春秋編年月義例較詳史漢而下浩瀚斯至矣此猶上古結繩蒼帝制文字爲鳥跡爲蟲形後乃神明化裁至於不可爲方物也南召遠者無可稽



春秋屬楚戰國屬韓秦置南  
陽郡爲雒漢爲雒城南北朝  
爲雒陽郡置向城縣隋開皇  
改消陽郡武川縣以南爲向  
城唐置消州宋金元皆省入  
南陽縣前明成化間肇立縣

教養生息三百年事當不勝  
書而末造兵燹文獻不得而  
徵焉我

國家定鼎之初聞邑令紀君華  
西輯邑文爲邑志

煩訪之愬

愬適明經褚方昌留心採舊

志上下二卷四十五版而止  
爾惟是

國運方隆山旣靡弗聞風向化  
上憲謂是令可省順治拾陸  
年奏請歸併南陽縣至雍正  
之伍年招集愈衆又念五方